



Luster kommune
Rådhuset
6868 GAUPNE

Dato: 10.03.2017

Vår ref: 17/01220-10

Dykkar ref:

Dale i Luster - reguleringsplan - fråsegn med motsegn

Vi viser til e-post fra dykk 23. januar med reguleringsplan for Dale i Luster til 2. gongs offentleg ettersyn til uttale. Vi viser også til e-post 24. januar der vi får utsett frist ut veke 10 til å gje fråsegn.

Planen omfattar to område der bispedømerådet som regionalt offentleg kyrkjeleg mynde har ei interesse. Det gjeld gravplassen og området rundt kyrkja.

Gravplassen

Planen legg opp til at ein flyttar muren mellom gravplassen og hovudvegen eit stykke inn på gravplassen, slik at det blir plass til ein gangveg mellom vegen og muren. Dette vil medføra at ein kjem nær den nedste rekka av graver. Dei fleste av gravene er etter det vi forstår eldre enn fredingstida for graver på gravplassen, men ei grav (frå 2007) er framleis freda. Det står i planomtalen at ein har vore i kontakt med festarane av dei aktuelle gravene. Det er bra, for god kommunikasjon med festarane og Luster kyrkjelege fellesråd er avgjerande viktig.

Vi har lagt saka fram for rådgjevar for gravplassaker. Ho skriv i e-post 9. mars bl.a. følgjande:

Det er ikke noe absolutt krav til avstand mellom grav og gravplassmur. Jeg anbefaler imidlertid 3 meter som en minste avstand. I dette tilfellet står (heldigvis) gravminnene lengst bort fra muren slik at en kortere avstand ikke vil være særlig problematisk med hensyn til drift og vedlikehold.

Gravrekken nærmest veien bør definitivt gjøres om til urnegraver. Flytting av gravplassmuren, utforming av nye mur og endring av gravene fra kistegraver til urnegraver vil være en vesentlig endring av gravplassen etter gravferdsloven §4. Det bør derfor stå i reguleringsbestemmelsene at gravplassplanen skal være godkjent av bispedømmerådet før arbeidene kan starte opp. Det står i planbeskrivelsen at det i hovedsak er eldre graver. Betyr det at det er lite sannsynlig at det vil komme nye gravlegginger i gravene? Jeg tviler på at det er hjemmel for å stenge gravene for kistegravlegging i inneværende festeperiode. Det ligger bestemmelser om dette i gravferdsforskriften §5, 2. ledd og opplistingen her er uttømmende. Tidspunkt for å endre gravene fra kistegraver i praksis kan trolig først skjer ved fornyelse av festeavtale, noe gravferdsloven §14, 2. ledd åpner opp for. Dersom det er stor motstand lokalt kan de også vente til feste opphører og tildele graven på nytt kun som urngrav. Dette vil bero på konkrete vurderinger på stedet.

Ei endring av gravplassen krev tilslutning frå kommunen og løyve frå bispedømerådet, jf. gravferdslova § 4. Det må difor utarbeidast ein revidert plan for gravplassen som skal godkjennast av bispedømerådet før ein set i verk noko arbeid på gravplassen, jf § 3 i forskrift til gravferdslova. Dette må stå i føresegnene.

Området rundt kyrkja og prestegarden

All bygging nærmere kyrkja må godkjennast av biskopen, jf. kyrkjelova § 21.

Dale kyrkje er freda. Det medfører at biskopen skal høyra riksantikvaren før han gjev fråsegn om tiltak i kyrkja eller i kyrkja sine omgjevnader. Riksantikvaren gjer i e-post til Sogn og Fjordane fylkeskommune 8. februar framlegg om at det blir teke inn føresegner om omsynssone, vidare at det i felles føresegner for bygningar og anlegg, punkt 4.1 c, blir teke med at det er forbod mot bygging nærmere kyrkja enn 60 m utan løyve frå biskopen.

Vi støttar desse framlegga.

Riksantikvaren og Fylkeskommunen er urolege for heile miljøet knytt til prestegarden. For vår del er vi samde i dette, men det berører ikkje sjølve kyrkja nok til at vi av den grunn vil gå til motsegn. Derimot vil det vera naudsynleg for oss at biskopen ikkje misser sin rett til å godkjenna bygging nærmere kyrkja enn 60 m ved at det blir vedteke ein reguleringssplan som stadfestar planar som biskopen kan vera imot. **Bjørgvin bispedømeråd går difor til motsegn mot planen slik den ligg føre. Vilkår for å trekka motsegna er at det kjem inn i føresegnehene at biskopen skal godkjenna all bygging nærmere kyrkja enn 60 m.**

Med helsing

Tore Skjæveland
kyrkjefagsjef

Jens Z. Meyer
seniorrådgiver

Dokumentet er elektronisk godkjend og har difor ingen signatur.

Kopi til:

Luster kyrkjelege fellesråd	Pyramiden	6868 GAUPNE
Sogn og Fjordane fylkeskommune, Nærings-	Askedalen 2	6863 LEIKANGER
og kulturavdelinga		
Riksantikvaren	Pb. 8196 Dep	0034 OSLO

Mottakarar:

Luster kommune	Rådhuset	6868 GAUPNE
----------------	----------	-------------